

敬躋堂叢書

十三

敬啟者

一

敬躋堂叢書之六

周官證古

郭則澧署端

癸未冬月刊
版藏古學院

周官證古敘

是書原名周禮通釋凡六卷南海桂子白先生文燦著條舉羣書以明周禮之有本意甚善也惟以一文分證數事稍病其複且與通釋體例不協壬午秋古學院得先生遺稿數種是書在焉

忠奎

承命校理不揣庸陋輒併其所舉

數事而以一文證之約爲二卷更題曰周官證古其亦不悖先生之本旨歟先生殫究羣經著書凡三十餘種爲卷百九十餘強仕而後驚於吏治少作多未及理而遽卒於官殆不僅此稿然也周官乃周公用以致太平之典其節文在漢代已有不能行者然其義則蟠天際地無所不貫雖世歷萬古不可廢也俗儒鄙拘見細而遺其大以爲戰國瀆亂之書不可施於今日又因劉歆王安石輩埒記其

說以黷亂天下遂相與詬病而苴棄之夫浸茸起死之良劑也而庸醫用以殺人歆與安石醫之庸焉者耳不是之咎而詆譏周官其亦過矣周公繼述文盍之忠上承百王襲善而滌其弊所謂盡倫盡制者也戰國諸子孟與荀必不僞是申韓雖欲僞是而不能而謂歆莽之徒能之乎果是之能僞者尙肯妄爲篡竊之謀乎晚世學者習於浮放偶涉古經而不能通卽譁謂其僞又豈止一周官耶得是書讀之庶幾其知所返歟癸未冬日榮成菱忠奎識於似

園

其書以問思誠之旨本意善也卦以一爻公前漢事
其書風俗以誠而辭凡六卷南齊卦于白武坐文歆莽後
其書諸古論

周官證古卷一

南海桂文燦

九嬪世婦女御

昏義云古者天子后立六宮三夫人九嬪二十七世婦八十一御妻以聽天下之內治以明章婦順故天下內和而家理是周之九嬪世婦女御因於古也

大宰掌建邦之六典三曰禮典以和邦國以統百官以諧萬民

小宰以官府之六職辨邦治三曰禮職以和邦國以諧萬民以事鬼神

大宗伯之職掌建邦之天神人鬼地示之禮以佐王建保邦國

小宗伯掌五禮之禁令與其用等

舜典云五載一巡守修五禮又云帝曰咨四岳有能典朕三禮兪曰伯夷帝曰兪咨伯汝作秩宗夙夜惟寅直哉惟清伯拜稽首讓于夔龍帝曰兪往欽哉又皋陶謨云天敘有典勅我五典五惇哉天秩有禮自我五禮有庸哉是周之禮典禮職五禮因於古也

大宰掌建邦之六典五曰刑典以詰邦國以刑百官以糾萬民

左氏傳言夏有禹刑殷有湯刑是周之刑典因於夏殷也

大宰以八統詔王馭萬民一曰親親

大宗伯以嘉禮親萬民以飲食之禮禮親宗族兄弟

堯典云帝堯克明俊德以親九族九族既睦平章百姓
百姓昭明是周之親民親親因於古也

大宰以九賦斂財賄一曰邦中之賦二曰四郊之賦三曰
邦甸之賦四曰家削之賦五曰邦縣之賦六曰邦都之賦
七曰關市之賦八曰山澤之賦九曰幣餘之賦

禹貢云冀州厥土惟白壤厥賦惟上上錯厥田惟中中
兗州厥土黑墳厥田惟中下厥賦貞作十有三載乃同
青州厥土白墳海濱廣斥厥田惟上下厥賦中上徐州
厥土赤埴墳厥田惟上中厥賦中中揚州厥土惟塗泥
厥田惟下下厥賦下上上錯荊州厥土惟塗泥厥田惟
下中厥賦上下豫州厥土惟壤下土墳壚厥田惟中上
厥賦錯上中梁州厥土青黎厥田惟下上厥賦下中三

錯雍州厥土惟黃壤厥田惟上上厥賦中下是周之賦法因於古也

大宰以九貢致邦國之用一曰祀貢二曰嬪貢三曰器貢四曰幣貢五曰材貢六曰貨貢七曰服貢八曰旂貢九曰物貢

禹貢云冀州島夷皮服兗州厥貢漆絲厥篚織文青州厥貢鹽絺海物惟錯岱畎絲枲鉛松怪石萊夷作牧厥篚檠絲徐州厥貢惟土五色羽畎夏翟嶧陽孤桐泗濱浮磬淮夷蠙珠暨魚厥篚元纁縞揚州厥貢惟金三品瑤琨篠簜齒革羽毛惟木島皮卉服厥篚織貝厥包橘柚錫貢荊州厥貢羽毛齒革惟金三品柎幹栝柏礪砥磬丹惟箇籛楛三邦底貢厥名包匭菁茅厥篚元纁璣

組九江納錫大龜豫州厥貢漆臬絺紵厥篚織纊錫貢
磬錯梁州厥貢璆鐵銀鏤磬磬熊羆狐狸織皮雍州厥
貢惟球琳琅玕是周之貢法因於古也

大宰以九兩繫邦國之民三曰師以賢得民四曰儒以道
得民

大司徒乃立地官司徒使帥其屬而掌邦教以佐王安擾
邦國

舜典云帝曰契百姓不親五品不遜汝作司徒敬敷五
教在寬是周之鄉學因於古也

大宰施典於邦國而建其牧立其監
大宗伯八命作牧九命作伯

大司馬建牧立監以維邦國

益稷云弼成五服至于五千州十有二師外薄四海咸建五長是周之牧伯因於古也

大宰乃施灋于官府而建其正立其貳設其攷陳其殷置其輔

左氏傳云鄒子來朝叔孫昭子問焉曰少皞氏以鳥名官何故也鄒子曰吾祖也我知之矣昔者黃帝氏以雲紀故爲雲師而雲名炎帝氏以火紀故爲火師而火名共工氏以水紀故爲水師而水名大皞氏以龍紀故爲龍師而龍名我高祖少皞氏之立也鳳鳥適至故紀於鳥爲鳥師而鳥名又舜典云納于百揆百揆時敘是周之設官因於古也

大宰祀五帝前期十日帥執事而卜日祀大神亦如之

享先王亦如之

大宗伯凡祀大神享大鬼祭大元帥執事而卜曰
肆師凡祭祀之卜日宿爲期詔相其禮

大卜大祭祀則眡高命龜

掌三兆之灋一曰玉兆二曰瓦兆三曰原兆其經兆之體
皆百二十其頌皆千有二百掌三易之灋一曰連山二曰
歸藏三曰周易其經卦皆八其別皆六十有四
龜人若有祭祀則奉龜以往

簪人凡國之大事先簪而後卜

大史大祭祀與執事卜曰

表記云昔三代明王皆事天地之神明無非卜筮之用
不敢以其私褻事上帝是周之祭日卜筮因於古也

大宰祀五帝則掌百官之誓戒與其具脩

大宗伯以禋祀祀昊天上帝

小宗伯兆五帝于四郊

祭法云有虞氏郊嚳夏后氏郊鯀殷人郊冥是周之郊祭因於古也

大宰祀五帝前期十日帥執事而卜日遂戒祀大神亦如之享先王亦如之

膳夫王齊日三舉

玉府王齊則共食玉

鬯人凡王之齊事共其秬鬯

司服其齊服有元端素端

郊特牲云大古冠布齊則緇之是周之齊因於古也

大宰及祀之日贊玉幣爵之事鄭注日旦明也

祭義云夏后氏祭其闈殷人祭其陽鄭注闈昏時也陽讀爲日雨日暘謂日中時也是周之祭天以旦與古異也

大宰三歲則大計羣吏之治而誅賞之

舜典云三載考績三考黜陟幽明庶績咸熙是周之大計因於古也

小宰以官府之六職辨邦治一曰治職以平邦國以均萬民以節財用二曰教職以安邦國以甯萬民以懷賓客三曰禮職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事職以富邦國以養萬民以生百物

舜典云帝曰咨汝二十有二人欽哉惟時亮天工是周之任官因於古也

宮正大喪則授廬舍辨其親疏貴賤之居

尚書大傳云書曰高宗梁闇三年不言何謂梁闇也傳曰高宗居凶廬三年不言百官總已以聽于冢宰而莫之違此之謂梁闇是周禮喪居凶廬因於殷也

內饗凡宗廟之祭祀掌割亨之事

小宗伯祭之日省鑊鄭注省鑊視亨腥孰

禮運云孰其殺鄭注謂體解而爛之此以下皆所法于

中古也是周之饋獻因於古也

外饗邦饗者老則掌其割亨之事

酒正饗者老共其酒無酌數

稟人若饗耆老共其食

內則云凡養老五帝憲三王有乞言五帝憲養氣體而不乞言有善則記之爲惇史三王亦憲既養老而后乞言亦微其禮皆有惇史王制云凡養老有虞氏以燕禮夏后氏以饗禮殷人以食禮周人脩而兼用之是周之饗耆老因於古也

獻人春獻王鮪鄭注王鮪鮪之大者月令季春薦鮪于寢廟

夏小正云二月祭鮪魯語云古者大寒降土蟄發水虞於是乎講罟罾取名魚簪川禽而嘗之寢廟行諸國人是周之春薦王鮪與古異也

甸師掌帥其屬而耕耨王藉以時入之以共盥盛